



**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1664

Quæst. 5. Vtrum intellectus visionem Dei, & vniuersim quæuis potentia naturalis suos actus supernaturales absque omni auxilio supernaturali intrinseco possit efficere.

[urn:nbn:de:hbz:466:1-76990](#)

Propositio 5.

QVÆSTIO V.

Vtrum intellectus visionem Dei, & univer-
sim quevis potentia naturalis suos actus
supernaturales absque omni auxi-
lio supernaturali intrin-
seco possit effi-
cere.

72 Qvæstio est de potentia absoluta. Nam de ordinariâ certum est, neque intellectus sine lumine glorie visionem, neque vilam potentiam naturalem sine habitu sibi infuso aliquem supernaturali actum efficere posse, vt confat tum ex flatulis à nobis q. 2. & 3. tum ex ijs, quæ docent Soar. lib. 6. de Grat. cap. 3. Coninc. 2. 2. disp. 5. dub. 1. & 2. & alij Theologi communiquer. dñm agunt de huiusmodi habitibus. Dico autem, auxilium intrinsecum vniuersale quodvis comprincipium potentiam naturali inherens, & effectuum simul cum illâ actus supernaturalis; siue illud sit habituale, siue actuale, siue permanens, siue transiens. In eo enim quæstionis difficultas consistit, an absque omni huiusmodi comprincipio possit diuinis natura actus supernaturales efficere adiuta solùm per voluntatem, & omnipotentiam diuinam. Posse enim naturam id præstatre absque habitu permanente, quais infunditur ei defacto, dummodo per quidpiam aliud æquivalens, & ipsi pariter intrinsecum defectus talis habitus suppleatur, concors Theologorum sententia est, vt cum alijs notat Ripal. disp. 34. de Ente supern. sec. 1.

Igitur multi Thomistæ præsertim recentiores omnino impossibile reputant, aliquem actum supernaturali à naturâ effici nullo supernaturali auxilio intrinsecè instructâ, sed tantum extrinsecè adiutâ per voluntatem, aut omnipotentiam diuinam. Ita Bañ. 1. p. q. 12. art. 5. dub. 3. Albelda disp. 27. sec. 3. Nazar. contr. 2. Ioan. à S. Th. disp. 14. Carmelitar. tract. 2. disp. 4. dub. 4. & 5. Aluar. de Auxiliis disp. 67. Nauarret. tom. 1. contr. 39. s. 1. & 2. & alij. Communis tamen reliquorum Theologorum etiam Thomistarum sententia oppositum docet. Pro qua 44. doctores refert Ripal. disp. 34. citatâ sec. 3. Eam tenent Scot. cum suis, Nominales, & præter Palatium afferentes, nullum priscorum Theologorum oppositum sensisse, Angles, Trigos, Joannem de Neapoli, Zumel, Lorcam, Arag. Montes, Ripam, & alios huiusmodi Thomistæ, tenent ex nostris Fonsec. Valen. Mol. Vazq. Soar. Salas, Alberti, Began. Arrub. Lorin. Turrian. Quos referunt, & sequuntur Fafol. 1. p. q. 12. art. 5. dubit. 12. Herice disp. 47. cap. 2. Gran. disp. 6. de Visio. sec. 4. Tana. disp. 2. q. 6. dub. 3. Alarc. tract. 1. disp. 3. cap. 4. Ruiz disp. 36. de Prouid. sec. 2. & 3. Ripal. supra. Ouid. 1. 2. tract. 1. contr. 8. pun. 2. Franc. Amic. 1. p. disp. 9. sec. 12. Martinon disp. 8. sec. 2. Recupit. lib. 6. q. 18. & alij Recentiores. Cum quibus etiam sentit Aegid. Lufit. lib. 9. de Beat. q. 6. s. 5. quoad ceteros actus supernaturales, præter visionem Dei, quam exceptit.

Intellectus visionem Dei, & vniuersim 74 quævis potentia naturalis suos actus supernaturales potest diuinis efficere extrinsecè tantum eleuata per omnipotentiam diuinam abisque omni intrinsecò comprincipio secum actiù concorrente.

Probatur primò propositio auctoritate, S.Th. dicentis in 4. dist. 49. q. 2. art. 7. Miraculosè fieri potest diuinâ virtute, quod aliquis intellectus creatus non habens nisi dispositiones Vie eleuetur ad videndum Deum per essentiam. Certum quippe est, nullum comprincipium intrinsecum visionis Dei esse ex dispositionibus Vie. Et q. 10. de Verit. art. 11. ait, posse mentem ad hoc miraculosè perduci, vt diuina essentia vniatur in flatu Vie modo illo, quo vniatur sibi in Patriâ sine hoc, quod à lumine gloria perfundatur. Puta non solùm permanenter, sed nec transeunter, cùm si loquutio vniuersalis & negativa. Vnde, quando S. Th. 2. 2. q. 12. 5. art. 3. ad 2. ait, Diuina essentia videri ab intellectu creato non potest, nisi per lumen gloriae. de potentia ordinariâ, non de absolutâ censendus est loqui. Cùm enim similia habeat q. 13. de Verit. art. 2. non est censendus, vt putauit Capreolus, retrahasse his in locis, quod in 4. sent. docuerat. Retractassem enim dictâ q. 13. de verit. quod paulò ante q. 10. de Verit. dixerat. Quod non est credibile. Quare pro nostra propositione stare S. Th. censent Duran. in 4. dist. 49. q. 2. Palac. Mach. Zumel, & alij Thomistæ, præter ceteros nostros sententiaz Auctores vbi supra.

Secundò à ratione probatur propositio eo 75 potissimum argumento, quo similes ad Dei potentiam absolutam spectantes probari solent. Quia nimurum actum supernaturali à potentia naturali nullo comprincipio supernaturali intrinsecò instructâ, sed à Deo tantum extrinsecè eleuata, & adiutâ fieri, ex nullo capite fert secum repugnantiam, siue implicationem contradictionis, vt ex solutione eorum, quæ solent opponi, constabit. Ergo non est id negandum possibile omnipotentiæ Dei. Maximè, cùm celebre sit apud Theologos axiomâ illud, quod ita protulit S. Th. 1. p. q. 105. art. 5. in corp. Erroneum est dicere, Deum non posse facete per se ipsum omnes determinatos effectus, qui sunt per quamcumque causam creatam. Id quod etiam habet Scot. in 3. dist. 14. q. 2. art. 2. Mitto alias rationes, quas afferit Ripal. & vt minùs efficaces rejecit Ouid. supra: apud quos poterunt videri.

Arguit primò contra nostram propositionem 76 Aluarez ex Trid. sesi. 6. cap. 5. decernente, non posse hominem sine gratiâ Dei mouere se ad iniustiam, inferens hinc absque auxilio intrinsecò, de quo agimus, non posse hominem iuxta Concilium actus supernaturales efficere. Sed certè Concilium solùm agit de auxilio gratiæ alliciente voluntatem ad bene operandum, quæ in sanctâ cogitatione, aut etiam motu indelibero voluntatis consitit: neque effectiæ, sed tantum, vt mera conditio ad actus supernaturales concurredit. De quo in præsenti questione sermo non est. Non vero agit de auxilio completere vires potentiaz naturalis, tamquam eleuante, cum eademque concurrente effectiæ ad opera supernaturalia, qualis est habitus infusus, aut aliud quid

equivalens illi. De quo hic tractatur. Tum necessitas gratia, de qua agit, non de potentia absoluta, sed de potentia ordinaria est, ut notat Ripal. disp. 34. cit. n. 39. Præterquam quod Concilium tantum intendit definire, non posse hominem viribus arbitrij ad iustificationem disponi. Quod ad rem nostram non attinere, palam est.

77

Secundò arguit Aluarez. Deus per assentiam extrinsecam omnipotenter suz omnibus creaturis communem non potest eleuare naturam ad actus supernaturales. Ergo requiritur com principio naturæ intrinsecum ad huiusmodi elevationem. Respondeo, bifariam posse Deum dici affiliter creaturis. Primo per sui immensitatem, aut etiam per earum conseruationem; & haec assentientia omnibus creaturis communis est; neque ad rem nostram facit. Secundò per decretum concurrendi cum illis ad ipsatum operationes; & hoc aut potest esse illis debitum, quale est decretum, quo Deus concurrexit cum omnibus causis naturalibus ad sua opera naturalia; vel etiam, quo concurrexit cum causis aliunde iam per aliquid supernaturale præiuini eleutatis ad opera supernaturalia: aut potest esse illis indebitum; & tale est, quod nos exigimus pro elevatione naturæ ad opera supernaturalia, quando deest ei comprincipium intrinsecum elevatum eius. Igitur assentientia omnipotenter specialis, quæ ex decreto isto naturæ indebito, & ex ipsa omnipotentiæ resultat, ea est, quam dicimus posse quam optimè supplere defectum auxiliij, siue comprincipij intrinseci, de quo tractamus, & quæ auxilium Dei extrinsecum elevatum naturæ ad opus supernaturale vocari solet.

78

Tertiò, Ex sententiâ nostrâ infert Aluarez, posse naturam viribus arbitrij, & sine gratia opera supernaturalia patrare. Sed infert male. Quia, quod sit à naturâ eleuata medio prædicto auxilio extrinsecu, nec viribus arbitrij, nec sine gratia sit; cum illud sit merè gratuitum, aliquam insuper respectu actus voluntatis gratiam cognitionis allicientis supponat.

79

Quarto obiicit Aluarez. Potentia creata intrinsecè non informata auxilio supernaturali est purè naturalis. Ergo improportionata, atque adeò impotens ad actus supernaturales. Respondeo, potentiam creatam seorsim sumptam, atque esse purè naturalem, improportionatam, & impotentem ad actus supernaturales, quando adest ei auxilium intrinsecum, ac quando exstrinsecum; prout coniunctam verò cum auxilio æquè manere supernaturalizantem, eleuatam, & proportionatam, atque adeò potenter ad actus supernaturales per extrinsecum auxilium iam explicatum, ac per intrinsecum.

80

Quinto arguit. Deus non potest concurrere ad actum supernaturalem vitalem nisi ut causa universalis; alias se solo actuum vitalem posset facere. Quod repugnat. Ergo debet supponer, potentiam vitalem intrinsecè completam per supernaturale auxilium ad talen actum. Nego antecedens. Quia Deus ut causa particularis concurrere potest ad actum supernaturalem vitalem, supplingo concursum auxilij intrinseci medio decreto concurrendi ad talen actum cum sola potentia vitali indebito ipsi potentia; siue possit insuper supplere influxum ipsius potentia, faciendo te solo actum vitalem, siue secus. Quod non interest ad rem.

81

Sextò arguitur, Natura est causa principalis actus supernaturalis. Ergo ab intrinsecu de-

bet esse ei proportionata: alias Deus extrinsecè concurrens cum illa causa principalis esset intellectus, & volitus; fieretque, ut Deus intellexit, & voluisse ita à se productâ intelligeret, & vellit. Quod est absurdum. Respondeo, siquid posse naturam causam aut principalem, aut instrumentalem actus supernaturalis, siue per intrinsecum, siue per extrinsecum auxilium junetur à Deo ad illum causandum. In quo solum potest esse quæstio de nomine iuxta dicta à nobis q. 1. Quoquo autem ex ijs modis Deus concurreat cum natura ad efficiendum actus eius intellectus, & volitus, quantumvis ut causa principalis, necundò fore, ut Deus per illos intelligat, & vele. Sicut neque auxilium intrinsecum ad illos ut causa principalis iuxta Thomistas concurrens intelligit, & vult. Quia nimis non sunt illi intellectio, & volitus Dei; sicut neque intrinseci auxiliij: quemadmodum sunt intellectio, & volitus nature per eos intellectus, & volitus.

Septimò arguitur. Habitus infusus est tota ratio, & virtus agendi actus supernaturales. Ergo natura nullatenus potest illos facere sine habitu infuso: faceret enim illos sine virtute ad ipsos faciendo. Quod est impossibile. Nego antecedens, si ita dicatur habitus tota ratio, & virtus agendi, ut nulla relinquatur naturæ virtus agendi immediate eiunmodi auctor, iuxta dicta q. 4. Quo cessat argumentum. Per quæ cetera, quæ opponi contra propositionem possunt, facile quicque diluet,

Propositio 2.

Omnis actus supernaturales etiam vi tales, qui de facto sunt à naturâ per com principio intrinsecum, diuinitus effici possunt per solum auxilium extrinsecum.

Hac propositio contra Ripald. supra sect. 7. & multos alios ex Auctoribus nostra sententias staruta proposit. I. est. Quotquot enim putant, actum vitalem aut consistere in actione phycia oriundâ à potentia vitali, aut eam in suo conceputu inuoluere, consequenter censem, actum vitalem supernaturalem nascentem à potentia vitali simul, & à com principio supernaturali ipsi intrinsecu in suo conceputu dicere actionem se ipsa pendenter essentialiter tum à potentia vitali, tum à tali com principio; siue quo proinde talis actus à Deo se solo adiuuante potentiam nullatenus effici poterit; quia actio essentialiter pendens ab aliquo principio absque concurso in ipsam talis principij stare nullatenus potest, ut est notissimum. Quocirca Anteores isti solum dicunt, eos actus vitales supernaturales posse à naturâ effici adiutor per solum auxilium extrinsecum, (hoc est per omnipotentiam diuinam motam speciali, indebito decreto Dei concurrendi cum ipsa natura iuxta dicta n. 77.) qui alioquin per suam essentiam non sunt ab auxilio intrinsecu dependentes. Vnde consequenter censem, duplex esse genus actuum supernaturalium vitalium in quavis materia, & circa quævis obiecta possibilium. Alterum eorum, quæ suæ essentia sunt dependentes ab auxilio intrinsecu, atque adeò sine illo effici nequeunt. Alterum eorum, qui suæ item essentia sunt dependentes ab auxilio extinsecu, & sine illo etiam effici nequeunt.

Nos verò, qui cum multis alijs opinamur, sicut

actus vitales, saltem qui de facto dantur, per actionem superadditam ab ipsis adaequatè distinctam fieri: atque adeo, qui modo sunt per unam oriundam essentialiter ab his principijs, potuisse fieri per aliam oriundam ab alijs iuxta doctrinam statutam in Pharo Scient. disp. 2. q. 1. consequenter asservimus, omnes actus vitales, qui de facto sunt à natura per comprincipium intrinsecum, diuinitus effici potuisse per solum auxilium extrinsecum, ut propositio data fert. Cuius proinde nulla maior desideratur probatio. Loquimur autem de actibus, qui de facto sunt: quia hi sunt ut minimum iuxta dictam vniuersalem doctrinam, qui per actionem superadditam à se adaequatè distinctam sunt. An vero intra latissimum possibilitatis campum sint aliqui se ipsis à suis principijs circa actionem superadditam dependentes, atque adeo impotes, ut aliter, quam ab ipsis principijs, sunt, nec negamus modo, nec affirmamus.

85. Ex dictis infertur, malè exceptisse Egidium Lusitanum ab vniuersali doctrinæ actuum supernaturalium statutam visionem beatificam: quasi hæc per auxilium Dei extrinsecum ab intellectu fieri nequeat; eo quod lumen gloriae, ut putat, non solum exercet in visionem munus causæ effectivæ eam cum intellectu faciendo, sed etiam munus causæ formalis manifestando obiectum: primumque munus bene per auxilium extrinsecum suppleri potest, secus secundum. Sed male, inquam. Primo; quia lumen gloriae in genere tantum causæ efficientis manifestat obiectum, faciendo cum intellectu visionem, quæ manifestatio eius formalis est. nullæ quippe manifestatio obiecti formalis excoigitari potest, quæ non sit formalis obiecti representatio, sive notificatio: qualis sola visio est, non lumen. Secundo; quia lumen non est forma visionis intrinsecè constitutus ipsam, cum sit ab ea adaequatè distinctum, ut supponit Egidius ipse; neque est titulus, cur visio beatifica in vniuersum essentialiter sit connexa cum lumine, ut ex dictis haec tenus constat. Ergo, quidquid sit de alio influxu luminis in visionem spectante ad genus causæ formalis, poterit optimè stare visio sine illo, atque adeo sine ipso lumine, per solum auxilium extrinsecum ab intellectu facta.

86. Deinde infertur, malè etiam Arrub. apud Ripaldi. sec. 5. requirere ad actus supernaturales liberos præ necessariis effectuum concursum aut habitus inservi, si adest, aut saltem gratia praevenientis, quæ in sancta cogitatione, aut etiam in motu voluntatis indeliberato consistit: quasi absque tali concurri libertas talium actuum stare non possit. Malè, inquam. Primo; quia ad rem nullum discrimen extat inter actus necessarios, & liberos; cum ad utroque debeat moueri voluntas per præiuiam cogitationem; nec magis hi, quam illi polcant huius concursum effectuum in defetu habitus. Secundo; quia ad neutros requiritur huiusmodi effectuum concursus dicta præiuia cogitationis: cum sat sit, eam concurrere per modum conditionis, sive causa moralis illuminantis, alicientes, mouentisque voluntatem ad operandum, ut mouet præiuia cogitatio etiam ad actus naturales, iuxta doctrinam vniuersalem traditam à nobis in Pharo disp. 7. q. 1. hypoth. 1.

87. Quarunt hic aliqui, ut videre est apud Recupit. lib. 6. q. 19. quamnam sit causa subiectiva, atque etiam efficiens luminis gloriae. In qua questione certum est primo, lumen gloriae in in-

tellectu subiectari: quia datur ad eleuandum illum, ut videat Deum, iuxta dicta q. 3. In mea autem sententiâ non distinguente realiter intellectum ab animâ adhuc est certius: quia non est aliud ab intellectu, in quo subiectetur. Secundò certum est, lumen gloriae à solo Deo fieri, ipso intellectu non concurrente ad effectum eius: id enim commune est habitibus supernaturalibus, quale lumen est, à solo Deo infundi, ut concors Theologorum sententia tenet. Dubitari tamen potest, an Christi humanitas ut physicum Dei instrumentum concurrat ad productionem luminis. Partem affirmatiuam tanquam probabilem tradit Soar. tom. I. in 3. p. disp. 3. sec. 1. & latè tuetur Recupit. supra. Qui ad rem videndi. Ego enim ad materiam de Incarnatione, ad quam istud pertinet dubium, ilitud remitto.

Deinde querunt hic nonnulli, an lumen gloriae in ratione doni accidentalis sit omnium maximum. De qua questione opportunius alibi. Videatur interim Franc. Amic. I. p. disp. 9. sec. 13. Vbi ex professò tractat illam.

QVAESTIO VI.

An sit possibilis species impressa, per quam Deus intuituè videri posse.

89. Vid nomine speciei impressæ veniat intelligendum, satis est notum ex Philosophia; ex dictisque à nobis in Pharo Scient. disp. 1. q. 1. & seqq. nimis quædam qualitas, quæ instar cuiusdam seminis obiecti cognoscendi potentiam cognoscitivam iuvat ad eius cognitionem faciendam, concurrendo scilicet ad hanc effectivè simulcum illa iuxta nostram, & communem sententiam ibidem statutam. De huiusmodi igitur qualitate querimus, an sit possibilis in ordine ad cognoscendum Deum intuituè, & sicuti est in se. Negant communiter Thomistæ, Cajet. I. p. q. 12. art. 2. Bano, ibid. dub. 1. Zumel disp. 2. Ripa dub. 2. Nazar. contr. I. Nauarret. conter. 3. q. 2. Gonzal. disp. 25. sec. 3. Machin. disp. 15. sec. 1. Ioan. S. Th. & Carmelitani ad eum art. 2. cum Sylvestro, Ferrar. Sot. & cateris omnibus communiter. Quibus accedunt ex nostris Arrub. I. p. disp. 16. cap. 4. Gran. tract. 4. de Visione disp. 5. sec. 3. Tann. I. p. disp. 2. q. 6. dub. 2. num. 11. & Ripalda in manuscriptis de visione, necnon Franc. Amic. I. p. disp. 9. sec. 4. Recupit. lib. 6. q. 21. Quirios disp. 25. sec. 2. & seqq. & Derkennis disp. 7. de Deo cap. 7. Pro affirmatiuâ vero sententiâ stant Mol. I. p. q. 12. art. 2. disp. 1. Valen. q. 12. pun. 2. Falol. dubit. 10. Vazq. disp. 38. Becan. tract. 1. cap. 9. q. 2. Hericæ disp. 40. cap. 8. Soar. lib. 2. de Attrib. cap. 1. 3. & disp. 30. Metaph. sec. 11. & tom. I. in 3. p. disp. 29. sec. 2. Salas 1. 2. tract. 2. disp. 5. sec. 2. num. 33. Egid. Lusit. lib. 8. de Beat. p. 2. q. 2. art. 2. Atriagatom. I. in I. p. disp. 8. sec. 2. subl. 3. Alarc. tract. 1. disp. 3. cap. 2. Gasp. Hurt. I. p. disp. 10. diff. 3. Oued. I. 2. tract. 1. contr. 8. punc. 4. & in Philos. contr. 13. de Anim. Præposit. I. p. q. 12. art. 2. dub. 2. Martinon disp. 8. sec. 3. Veken. disp. 11. n. 35. & apud eos alij.